

D. THOMAS 2. 2. quæst. 33. art. 4. ad 2. *Pulus;*
QUI ERAT SUBDITUS PETRO (itaque non paris
cum eo authoritatis, nec summus cum illo Pastor
ac Prætes) propter immens periculum scandali
circum fidem Petrum publice arguit.

Accedit, Regimen Ecclesiæ esse monarchicum,
ut egregiè Angelicus assertit 4. contra gentes cap.
76. Nulli, inquit, dubium esse potest, quoniam Eccle-
siæ Regimen sit optimè Ordinatum, utpote per eum
dispositum, per quem Reges Regnant, & legum Con-
ditores justa decernunt; optimum autem Regimen
multitudinis est, ut Regatur per UNUM: manifestum
est igitur Regimen Ecclesia sit suisse dispositum, ut
UNUS TOTI ECCLESIAE PRÆSET : Ille autem
fuit SOLUS PETRUS, illi SOLI, non etiam Paulo
dictum fuit à Christo Tu es Petrus, & super hanc
Petram aedificabo Ecclesiam meam. Matth. 16: illi
soli dictum est pasce oves meas. Joan. 21: illi soli
CONFIRMA FRATRES TUOS. Lucæ 22. capite. 80.
lus igitur Petrus fuit à Christo constitutus summus
Pastor, Præses, Caput, Vertex, Dux, Princeps, &
Monarcha universalis Ecclesiæ.

Hinc S. Leo serm. 3. de suâ assumptione. De
toto mundo (inquit) UNUS PETRUS eligitur, qui &
universarum gentium vocationi, & OMNIBUS APO-
STOLUS (ergo etiam Paulo) cunctisque Ecclesiæ
Patribus præponatur.

PROPOSITIONES V. FAMOSÆ JANSENII.

A Nno 1653. 31. Maii damnatae sunt ab Inno. ^{Anno}
centio X Pontifice Maximo V. Famosæ Pro. ^{1653.}
positiones Jansenii Episcopi Irenensis.

Sed prius Celeberrimi viri vitam expendamus.
Illa nobis suppeditat Bibliotheca Belgica Clar.
D. Valerii Andreae deffelii J. U. D. & Professoris
Regii Lovanii.

Cornelius Jansenii Leerdamensis apud Batav. Vita Jan-
os honestis, Catholicisque natus parentibus anno senii.

Domini

Domini 1585. die SS. Simoni, & Iude Sacro,
 ab ipsa propè infantia specimen memoria, atque
 ingenti singularis exhibuit. Nam Ultrajecti iis dans
 operam artibus, quibus erudiri, atque informari ad
 humanitatem puerilis etas solet, ceteros longo post se
 relinquens intervallo, eorum velut Dux, ac Praecep-
 tor ad summa quaque properabat. Missus inde Lova-
 nium ad Gymnasium, quod ab insigni domus nomen
 Falconis retinuit, disciplinis Philosophicis ita gnavi-
 ter, feliciterque incubuit, ut studii Biennalis decurso
 stadio, ceteris commilitonibus in Academica quatuor
 Pædagogiorum concursus ingenii palmam, ac præro-
 gativam loci facile præripuerit. Pars felicitate palæ-
 stræ deinde Theologica nomen dedit, basique lateri
 Jacobi Janssonii gentilis sui viri omni pietatis ac
 Scientiæ genere vere eximii, quem ut parentem obser-
 vabat, & apud quem penè filii loco erat. Hinc eum
 visenda Gallia cupido incissit ingenii amplius exco-
 lendi, ac linguarum potissimum causâ, & Lutetia Pa-
 riſorum in Celeberrimo illo Scientiarum, Artiumque
 omnium Theatro, aliisque Gallia Academis annos
 ippos duodecim versatus fuit, vimque ingenii om-
 nibus palam faciens omnium presertim Eruditorum,
 atque adeò ipsius Sorbonæ in se studia, animosque
 convertit mirantium, & quarentium identidem,
 unde, quis, qualisve Theologus ille esset JANSE-
 NIUS. Eoque factum est, ut Lovanium quasi post-
 liminio reversus sapius de gravissimis fori interioris
 questionibus e mediâ Galliâ consuleretur. Supremo
 in Theologiâ Magisterii titulo Lovani anno 1617.
 donatus, Professorque ordinarius eam de se opi-
 nionem brevi quoque tempore apud Academicos
 omnes excitavit, ita ut præ JANSENIO alius magis-
 idoneus non fuerit judicatus, qui nomine ejusdem
 Academie bis in Hispaniam mitteretur: Ubi quâ
 Prudentiâ, ac dexteritate sese Gesserit tum apud
 Regem Catholicum, tum in Academis Salamanti-
 censi, ac Vallisoletanâ, felicissimus utriusque Le-
 gationis eventus edocuit. Anno 1630. ad Sacrarum
 Litterarum professionem Regiis auspiciis promotus
 fuit,

fuit, annoque post quinto ad Cathedram Ipprensem
Nominatus, eodem nimisrum die, quam natus; ac
vertente anno, eodem similiter die, in Episcopum
consecratus annum tunc agens primum supra quin-
quagesimum. Verum, ut sunt fluxæ, ac caducae res
humanae, vix anno cum dimidio in eâ dignitate
exacto, Dignissimus ille vitâ longiori Praesul cum
summâ omnium consternatione, ac marore 6. Maii
anno 1638. extinguitur. Vir certè fuit, ut de cate-
ris ejus virtutibus, de Pietate, ac Religione in
Deum, de vita Modestia, morumque Disciplina, Co-
mitate, atque affabilitate nihil dicam, vel maximè
Prudentiam conspicuus, quippe qui hoc unum in pri-
mis cavebat, ne quid ageret, aut exequeretur,
quod reprehensum optaret. Certabat in secundissimo
illo scientia omnifaria pectore ingenium cum judicio,
labor cum industriâ, constantiaque, ut qui nullum
sibi labi, aut perire tempus pateretur, quo non aut
legeret, aut notaret, aut disceret aliquid ut sum-
mum quinas, aut quaternas sapè etiam pauciores
horas somno indulgere solitus. Unum ferè è 88.
Patribus vita sua ducem, studiorumque magistrum
delegerat AUGUSTINUM. Omnia Augustini opera
fere decies, libros verò de gratiâ divina, & li-
bero arbitrio plusquam trigesies à capite ad calcem,
deceptis, & in adversaria per classes distributis,
qua in rem videbantur, evolverat, attestante hoc
de eo Liberto Fromondo S. T. Doctore & Jansenii
in Cathedrâ Lovaniensi successore, dum præfatur
ad crism suam, quam reposuit causa desperata Gisb.
Voëtis pro eodem Jansenio. Hic est ille Fromon-
dus, qui unâ cum Joanne Caleno obstetricatus
dicitur ejus libro posthumo, cui Titulus Augusti-
nus Cornelii Jansenii Episcopi Ippensis, ex quo s.
famosæ propositiones excerptæ sunt. Scripsit Jan-
senius.

Orationem de interioris hominis reformatione.

*Alexipharmacum Civibus Sylvaducensibus propi-
natum adversus ministrorum suorum fascinum.*

*Spongiam notarum, quibus Alexipharmacum af-
persit Gisb. Voëtius.*

*Tetrateuchum sive Commentaria in 4. Evangelia.
Pentateuchum sive Comment. in 5. libros Moysis.
Analecta , sive Comment. in Proverbia &c.*

Porrò *Jansenius* morti proximus opus suum illud sine dubio suppressurus , si tot orituras ex eo procel- las Prævidisset , irrefragabili Sedis Apostolicæ judicio submisit , aique ita , omnibus adstantibus & præ singulari humilitate , & eximiâ in Deum pie- tate expressis lacrymis , Ecclesiæ Gremio immor- tuus est.

Unde Viro Illustrissimo rectè applicandum est memorabile illud *Augustini* effatum : *Errare pote- ro , hereticus non ero : nec inscitè nuper quidam Eximius Lovaniensis in oratione Academicâ coram Conferuissimo auditorio dixit: Jansenium , qui se ita Pontificiæ sententiæ subdiderat , si modò vive- ret , non fore Jansenistam.*

Vix liber ejus lucem aspexerat , quin crebræ tenebræ multorum ingenia involverint , multis in errorem ex illis lectione abreptis.

*Turba
orte ob
Librum
Jansenii.*
Ut malum tempestivè compesceret ; primò *Ur-
banus VIII.* præfatum librum per Bullam *in Emi-
nenti Anno 1641.* prohibuit.

At hæc prohibitio non st̄titit tempestatem , plurimi per Belgium , & Gallias moti sunt fluctus: innu- meri libelli pro defensione Jansenii ubique emer- ferunt.

Anno 1652. 21. Januarii ad urbem inter alios convolant à nonnullis Galliæ Episcopis missi Do- mini *S. Amour* seu famosus *Ludovicus Sanct. Amoreus*, *Lalane*, & *Angran*: Doctrinam Jansenii omni studio propugnant , explicant , interpretan- tur : illamque Vaticano fulmini subducere mo- liuntur.

His oppositi fuere 85. Galliarum Antifites , qui Romam legarunt Dominum *Hallier* Syndicum Universitatis , Dominum *Lagault* , & D. *Foy sel* , ob- testatique sunt Præfules *Innocentium X* , ut 5. famo- fas propositiones expenderet ; & perspicuam , ac certam de unaquaque sententiam ferret.

Interim

Interim adverte 10. Martii 1653. Pontificem
in congregacione coram se habitâ aperte decla-
rasse, te nolle, ut ullum omnino præjudicium cre-
etur doctrinæ ss. Augustini & Thomæ, qua de re
infra ad propositiones Jansenii.

Tandem post longam, & maturam cum Eminentissimis Cardinalibus sacræ Congregationis tanti
negotii discussionem, anno 1653. 31. Maii emanavit
Bulla Innocentii X 5. propositionum condemnato-
ria, quæ sic incipit.

INNOCENTIUS Episcopus Servus Ser- Damna& vorum Dei. Proposi- tiones Jansenite.

*Universis Christi Fidelibus Salutem, & Apo-
stolicam Benedictionem.*

Cum occasione impressionis Libri, cui titulus,
Augustinus Cornelii Jansenii Episcopis Ipre-
sis, inter alias ejus opiniones orta fuerit, præsertim
in Galliis, Controversia super quinque ex illis,
complutes Galliarum Episcopi apud Nos institue-
runt, ut eisdem Propositiones Nobis oblata ex-
penderemus, ac de unaquaque earum certam, &
perspicuam ferremus sententiam.

*Tenor vero præfatarum Propositionum
est, pro ut sequitur.*

Prima. Aliqua Dei Præcepta hominibus justis
volentibus, & conantibus secundum præsentes,
quas habent vires, sunt impossibilia, deest quo-
que Gratia, qua possibilia fiant.

Secunda. Interiori Gratiae in statu Naturæ Iap-
sæ numquam resistitur.

Tertia. Ad merendum & demerendum in statu
Naturæ Iapsæ non requiritur in homine libertas
à necessitate, sed sufficit libertas à coactione.

Quarta. Semi-Pelagiani admittebant præve-
nientis Gratiae interioris necessitatem ad singulos
actus, etiam ad initium Fidei, & in hoc erant Hære-

tici , quod vellent eam Gratiam talem esse , cui posset humana voluntas resistere , vel obtemperare.

Quinta. Semi-Pelagianum est dicere , Christum pro omnibus omnino hominibus mortuum esse , aut sanguinem fuisse.

Nos , quibus inter multiplices curas , quae animum nostrum assidue pulsant , illa in primis cordi est , ut Ecclesia Dei nobis ex Alto commissa , purgatis pravarum Opinionum erroribus , tutò militare , & tamquam navis in tranquillo Mari , sedatis omnium tempestatum fluctibus , ac procellis , securè navigare , & ad optatum salutis portum pervenire possit :

Pro rei gravitate coram aliquibus S. R. E. Cardinalibus ad id specialiter sèpiùs congregatis , à pluribus in Sacra Theologiâ Magistris easdem quinque Propositiones , uti suprà Nobis oblatas , fecimus sigillatim diligenter examinari , eorumque suffragia tum voce , tum scripto relata maturè consideravimus , eodemque Magistros , variis coram Nobis actis Congregationibus , prolixè super eisdem , ac super earum qualibet differentes audi-
vimus.

Cum autem ab initio hujusmodi discussionis ad Divinum implorandum auxilium multorum Christi fidelium preces tum privatim , tum publicè indixsemus , postmodum iteraris eisdem ferventiùs , ac per Nos sollicitè imploratâ Sancti Spiritus assistentiâ , tandem Divino Numine favente , ad infrascriptam devenimus Declarationem , & Definitionem .

Primam prædictarum Propositionum : *Aliqua Dei præcepta hominibus justis volentibus , & conanticibus secundum presentes , quas habent vires , sunt impossibilia , deest quoque illis Gratia , quâ possibilia fiunt : Temerariam , impiam , blasphemam , anathemate damnatam , & hæreticam declaramus , & uti talem damnamus.*

Secundam : *Interiori Gratia in statu Natura lapseda*
nun.

nunquam resistitur : Hæreticam declaramus, & uti
talem damnamus.

Tertiam : Ad merendum, & demerendum in
statu naturæ lapsa non requiritur in homine liber.
tas à necessitate, sed sufficit libertas à coactione : Hæ-
reticam declaramus, & ut talem damnamus.

Quartam : Semi-Pelagiani admiscebant prave-
nientis Gratiae interioris necessitatem ad singulos
actus, etiam ad initium Fides, & in hoc erant
Hæretici, quod vellent eam Gratiam talem esse;
cui posset humana voluntas resistere, vel obtemperare:
Falsam & hæreticam declaramus, & uti talem
damnamus.

Quintam : Semi-Pelagianum est dicere, Christum
pro omnibus omnino hominibus mortuum esse, aut
sanguinem fudisse : Falsam, temerariam, scanda-
losam, & intellectam cō sensu, ut Christus pro
salute dumtaxat Prædestinorum mortuus sit : Im-
piam, blasphemam, contumeliosam, Divinæ
pietati derogantem, & hæreticam declaramus, &
uti talem damnamus

Mandamus igitur omnibus Christi fidelibus utrius-
que sexūs, ne de dictis Propositionibus sentire,
docere, prædicare aliter præsumant, quam in hac
prælenti Nostra Declaratione, & Definitionem con-
tinetur, sub censuris, & poenis contra Hæreticos,
& eorum fautores in jure expressis.

Præcipimus pariter omnibus Patriarchis, Ar-
chiepiscopis, Episcopis, aliisque locorum Ordina-
tiis, nec non Hæreticæ pravitatis Inquisitoribus,
ut Contradictores, & Rebelles quoscumque per
censuras & poenas prædictas, cæteraque juris &
facti remedia opportuna, invocato etiam ad hoc
(si opus fuerit) auxilio Bra hii secularis, omnino
coerceant, & compescant.

Non intendentes tamen per hanc Declaratio-
nem, & Definitionem super prædictis quinque Pro-
positionibus factam, approbare ullatenus alias
opiniones, quæ continentur in prædicto Libro
Cornelii Jansenii. Datum Romæ apud Sanctam

Mariam Majorem Anno Incarnationis Dominicæ
millesimo sexcentesimo quinquagesimo tertio , pri-
die Kal. Junii , Pontificatus Nostri Anno nono.

H. DATARIUS.

G. GUALTERIUS.

P. CIAMPINUS.

Anno à Nativitate D.N. Iesu Christi millesimo
sexcentesimo quinquagesimo tertio , indictione sextâ,
Pontificatus Sanctissimi in Christo Patris , & D.
N. D. Innocentii Divinâ Providentiâ Papæ X. Anno
ejus nono , die vero nonâ mensis Junii supradicta
Constitutio affixa , & publicata fuit in Ecclesia
Lateran., ac Basilica Principis Apostolorum de Urbe,
nec non Cancellaria Apostolica valvis , ac in aere
Campi Flora per me Hieronymum Mascellam San-
ctissimi D. N. Papæ Cursorem.

Pro D. Mag. Cursorum P. Paulus
Desiderius Cursor.

Verum cum plures illi Bullæ reluctarentur ,
& prædictas 5. Propositiones tum in Libro Jan-
senii non reperiri , sed fictè , & pro arbitrio com-
positas esse , tum non in sensu ab eodem intento
damnatas fuisse & voce , & scriptis contenderent;
Alexander VII. Innocentii successor prædecessoris sui
Bullam , seu Constitutionem anno 1656. 17. Kal.
Novemboris confirmavit , & 5. propositiones ex li-
bro Jansenii excerptas , ac in sensu ab eodem Janse-
nio intento damnatas fuisse definitivit , & decla-
ravit.

Cæterum quid deinceps sub eodem *Alexandro*,
Clemente IX , *Innocentio XII* , & sub moderno
Pontifice *Clemente XI* quoad præfatas propositiones
gestum sit, nullus est , qui ignoret.

Progre diamur modò ad istas.

Præfigemus materias , circa quas illæ versantur.

De Possibilitate Mandatorum Dei.

PROPOSITIO DAMN. UNICA.

Aliqua Dei Precepta hominibus justis, volenti-
bus & conantibus, secundum praesentes, quas Propose-
bant vires, sunt impossibilia; deest quoque illis gra-
tia, quam possibilia fiant.

CENSURA PONTIFICIA.

Temerarium, impiam, blasphemam, anathemate
damnatum, & hereticam declaramus, & uti ta-
lem damnamus.

Habet hanc Jansenius lib. 3. de gratia Christi
cap. 13. paragrapho penultimo. Hac igitur omnia,
inquit, plenissime, planissimeque demonstrat, nihil
esse in S. Augustini doctrina certius, ac fundatius,
quam esse PRÆCEPTA QUÆDAM, quæ HOMINIBUS
non tantum infidelibus, excacatis, obduratis, sed
fidelibus quoque, & JUSTIS, VOLENTIBUS, AC CO-
NANTIBUS SECUNDUM PRÆSENTES QUAS HABENT
VIRES, SUNT INPOSSIBILIA; DEESSE QUOQUE
GRATIAM, QUAM FIANT POSSIBILIA. Nec potuit
substantia Propositionis condemnandæ excepī ex-
actius. Dixerat superius Michaël Bayus titulo de
Legibus, seu Præceptis divinis: *Definitiva hæc sen-*
tentia Deum homini nihil impossibile præcepisse,
falso tribuitur Augustino, cum Pelagii sit. Unde
Bayus huic primæ Propositioni Jansenianæ præ-
lufit.

Jam dudum Tridentina Synodus sess. 6. cap. 11.
ita definierat. *Nemo temeraria illâ, & à Patri-*
bus sub anathemate prohibitâ voce uti debet, Dei
præcepta homini iustificato ad observandum esse im-
possibilia. Num DEUS IMPOSSIBILIA NON JUBET:
sed jubendo monet, & sacre quod possis, & petere
quod non possis, & adjuvat, ut possis: Quæ sen-
tentia deprompta est ex Augustino lib. de Natura
& Gratia cap. 43. & lib. 2. de pecc. merit. cap. 6.

addit præterea præfatum Concilium eadem seſſ.
can. 88. Si quis dixerit Dei præcepta homini eti-
am justificato, Et sub gracia constituto, esse ad ob-
servandum impossibilia, anathema sit: Ita ut satis
concipi non posſit, quid passus sit Jansenius, dum
hoc dogma & à Tridentino profligatum, & in Bayo
denuo reprobatum recūdit.

Magnus Augustinus hanc aſſertionem non ſolūm
in locis præcitatīs, ſed & aliis perſpicuè prædam-
navit. Execramur, inquit ſerm. 191. de temp.
blasphemiam eorum, qui dicunt impoſſibile aliquid
homini a Deo eſſe præceptum. Et lib. de fide contra
Manich. : Quis non clamet, ſtultum eſſe præcepta
dare ei, cui liberum non eſt, quod præcipitur, fa-
tere, Et iniquum eſſe eum damnare, cui non fuīt
poterat iuſſa complere? Deinde enarratione in Pſal-
mum 56. Non imperaret aliquid Deus ut facere-
mus, ſi IMPOSSIBILE JUDICARET, UT HOC AB HO-
MINE FIERET.

Accedit, quod Deus ſuā gratiā ſemel justifica-
t̄os non deſerat, inquit Tridentinum capite 11.
præallegato, niſi prius ab eis deſeratur, detereret
autem prius justos Dominus, ſi illis conantibus
& volentibus Gratiam ſubſtraheret, quā poſſibi-
lia mandata fierent.

Tridentino conformis eſt Augustinus tractatu 2.
in Joannem. Opus eſt, ut tu non deſeras: Et à Deo
non deſereris: Noli cadere, Et non tibi occidet: ſi tu
feceris caſum, ille tibi facit occasum: ſi autem tu
ſtas, præſens eſt tibi: Et tractatu 32 in Joannem.
Nos non deſerit fons, ſi non deſeramus fontem,
Nonne autem justum fons ille iuſtitia deſereret,
ſi ei gratiam, ſi aquas negaret ſalientes, dum gra-
tiā recte uiri ur, in vitam aternam? Auguſtino adſti-
pulatur Aquinas ſtrenuissimus ejus & propugnator,
& ſectator q. 24 de veritate art. 14. ad 1. Illud,
quod præcipit Deus, NON EſT IMPOSSIBLE HO-
MINI AD SERVANDUM. Et in reponſione ad 2.
Recte homo corripitur, inquit, qui præcepta non
impler, quia ex ejus negligentia eſt, quod gratiam

non habeat, per quam potest mandata servare. Por-
tò hæc erronea Jansenii propositio potissimum fun-
datur in eo, quod contendat ille solam gratiam
efficacem, quâ talem, esse gratiam Christi, seu
nullam Christi gratiam effectu suo carere: in istam
omnem operam, laborem, studium, nervos &
vires intendit: Præcipue verò, & ex protelio ar-
gumentum illud verlat lib. 2. de gratia Salv. cap.
27., cuius in titulo legitur: Quomodo nulla gratia
effectu suo careat.

Ex hoc principio irrefragabiliter infertur prima assertio. Si enim sola gratia efficax, quâ talis si gracia Christi, seu si nulla Christi gratia effectu suo careat; sed omnis sit efficax; igitur justus peccans gratiam Christi non habet, quâ posset à peccato abstinere: si enim eam habuisset, in peccatum non incidisset: nam secundum Jansenium nulla Christi gratia effectu suo caret. Si autem gratiam, quâ posset non peccare, non habuerit; ergo non peccare erat ei impossibile: ac proinde aliqua Dei præcepta justo conanti, & volenti secundum præsentes, quas habet vires, sunt impossibilia &c.

Confirmatur, & magis illustratur hæc ratio Fine hominem justum gravi tentatione quassatum labi in peccatum mortale; Justo illi, juxta Jansenium, hic & nunc impossibile erat non labi, seu illi hic & nunc impossibile erat præceptum, in quod impegit, observare, quia juxta eundem, gratiam Christi, sine qua ei præcepti observatio impossibilis erat, non habebat. Non enim habebat gratiam efficacem; nam si illam habuisset, cum infallibiliter effectum suum inferat, in peccatum lapsus non fuisset: Si ergo efficacem gratiam non habuit, ergo nullam habuit: nam præter illam, nullam aliam Augustinus Irenensis agnoscit.

Itaque justus ille, omni Christi gratiâ, quâ mandatorum observatio sibi fieret possibilis, ipso fatente Jansenio, fuit destitutus; adeoque ex ipsis

Jansenianæ doctrinæ Principis sine ullo labore eruntur, aliqua Dei præcepta, justis conantibus & volentibus, secundum præsentes, quas habent vires, esse impossibilia &c.

Non sic prolectò discurrendum est: non sequitur: *Justus dum gravi tentatione pulsatus labitur in peccatum mortale, non habuit gratiam efficacem: ergo NULLAM habuit.* Non sequitur, inquam, præter efficacem enim datur gratiam sufficiens, qua justus sic tentatus potest servare præceptum, seu temptationem superare; adeoque præceptum illud non est ei tunc impossibile.

Gratia hæc passim vocatur Thomisticè sufficiens, illa in hoc consistit, quod statuat voluntatem proximè, & ultimatè potentem in linea potentiaz, id est ex parte actus primi, ita ut ex parte gratiaz ad plenum posse nihil desit, nec plus requiratur: quamvis ut hæc gratia actu in effectum influat, ad quam ipsa est tantum sufficiens, gratia efficax requiratur ita potentem ad actum applicans. Latissimum per gratiam illam sufficientem discrimen Thomistas inter & Jansenistas assignatur. Jansenistæ docent præter gratiam efficacem, quæ dat ipsum agere, non dari aliam, quæ dat posse: Thomistæ intrepidè & constanter assertunt præter gratiam efficacem, quæ semper dat ipsum agere, etiam dari inefficacem, quæ solum dat posse: quam tamen ad ponendum ipsum actum omnino sufficiensem existimant, quæ idcirco sufficiens dicitur. Hinc juxta Jansenistas, cum justo graviter tentato, & gratia efficaci destituto non remaneat ulla Christi gratia, per quam huic temptationi possit resistere, sponte suâ fluit, quod huic temptationi resistere, seu præceptum adimplere, justo illi secundum præsentes, quas habet vires, sit impossibile. Econtra cum justus ille gratia efficaci destitutus, & peccans juxta Thomistas sufficiens habeat auxilium, quo poterat observare præceptum, rectè & suapte naturâ sequitur, præceptum illud non esse ei impossibile.

Quis igitur (ut nuper nonnulli divulgantur)
cum fundamento affirmet Thomistas nullatenus
discrepare à Jansenistis ?

S. Petro non defuit (ut Princeps Jansenistarum
ob ectio diluatur) gratia hæc sufficiens , quæ pos-
sibile fui ei mandatum Christum , urgente tenta-
tione , confiendi .

Illi non favet D. Joannes Chrysostomus Homi. Object.
lia 83. in Matthæum , & in epistolam ad Hebræos
Homilia 31 , cum ait : Petri casus non frigiditate ,
non sordidâ , & negligentiâ , sed saperne auxilii
substractione contigit .

De auxilio namque efficaci S. Chrysostomus lo- Resp.
quuntur , non de auxilio sufficienti , quo Christum
confiteri , temptationesque superate absolute poter-
at : auxilium verò efficax illi substractum est ob
præsumptionem de suis viribus : & huic ottam ne-
gligentiam orationis , & vigilantiæ , quam rem
iamen Christus ipsi , & aliis Apostolis , ne intra-
rent in temptationem , commendarat . Expende D.
Chrysostomum Homiliâ 83. in Matthæum : Petrus
ait , nimis sibi arrogans , Etsi omnes scandalizati
fuerint in te , ego numquam scandalizabor Matih.
26 : Hæc res sensim eum ad tetrum insolentie crimen
devehebat QUOD REPRIMERE CHRISTUS VOLENS ,
NEGATIONEM FIERI PERMISIT .

Nec Jansenio adstipulatur Augustinus quibus Object.
dam in locis , præsertim tract. 92. in Joan afferens
non potuisse Petrum mulieris ancillæ interrogatio-
ne perterritum verum Christo testimonium perhi-
bère : hisce enim verbis significat S. Doctor , non
potuisse id Petrum per se ipsum , & per proprias vires , in quibus nimis confidebat : quamvis pos-
set per gratiam Dei , quæ ipsi sufficienter aderat .
Per illam vigilare , & orare poterat , ac uberiora
subsidia usque ad ipsam efficacem gratiam advocare ,
& impetrare : suâ his omnibus arrogantiâ Petrus
obicem posuit : Hæc causa est , cur illum dete-
ruerit Deus , & in negationis crimen labi permi-
sicerit . Id pluribus in Locis docet . Augustinus ,
sed

sed Præcipue tractatu 67. in Joannem. *Quid festinas Petre? Nondum te suô Spiritu Solidavit Petra: Noli extollis Præsumendo, non potes modo, scilicet per proprias vires. Noli dejici desperando. Sequeris postea. Sed adhuc ille quid dicit? quare non possum te sequi modo? animam meam pro te ponam.* *Quid in animo ejus esset Cupiditatis, videbat, quid virium, non videbat: Voluntatem suam jactabat infirmus, sed inspiciebat valetudinem medicus: iste promitterebat, ille prænoscebat: qui nesciebat, audebat; qui præsciebat, docebat. Respondit ergò Jesus. Animam tuam pro me pones? Praire potes, qui sequis non potes? Quid TANTUM PRÆSUMIS, QUID DE TE SENTIS? QUID TE ESSE CREDIS? AUDI QUID SIS.* Amen, amen dico tibi, quia prius quam gallus cantet, ter me negabis. Ecce quomodo tibi Cito apparebis, QUI MAGNA LOQUERIS, ET TE PARVULUM NESCSIS.

Nunc ad Propositionem secundam, in quâ rurus agendum erit de gratiâ sufficienti.

De Resistentia, quæ fit Gratiæ.

Proposi-
tio secun-
da.

PROPOSITIO DAMN.

Interiori Gratia in statu naturæ lapsa nunquam resistitur.

CENSURA PONTIFICIA.

Hæreticam declaramus, & uti talem damnamus.

Dum Jansenius dicit: *interiori gratia nunquam resistitur*, tantundem est, ac si diceret: *gratia interior sive oblata, sive habita ab homine nunquam repellitur, nunquam in vacuum recipitur, sed suum semper producit effectum*, unde apud Jansenium nulla datur gratia *inefficax, sufficiens, seu tantummodo dans posse*. Hinc 2. hæc Propositio primæ, & totius ferme Janseniorum est infausta Genitrix.

Si dixisset Jansenius gratiæ interiori *efficaci* non resisti, nihil à fide, vel à Castigationi Theologiæ dixisset extraneum: totque haberet suæ assertionis

Patronos , quos SS. Augustini , & Thomæ numerantur sectatores gratiæ efficaci nunquam resisti unanimiter afferentes. Hoc enim ipso , quo efficax est , semper cum effectu conjungitur , bonamque vel voluntatem , vel operationem infallibiliter , indeclinabiliter ; & inevitabiliter producit. Et illius ratio est , quod si munus gratiæ de se efficacis potentiam per gratiam sufficientem planè instructam , & ad operationem paratam , & accinctam , applicare ad opus : ac proinde tam fieri non potest , ut fiat applicatio ad operationem , & operatio non sequatur , quam ut detur actio sive Termino. De ea sic fatur Magnus Aurelius lib. de prædest. Sanctorum cap. 8. *hæc gratia , quæ cordibus hominum divinâ largitate tribuitur , a nullo duro corde respuitur : ideo quippe tribuitur , ut duritia cordis primus auferatur.*

Si igitur , inquam Propositio diceret , gratiæ de se efficaci non resisti , nil nisi Doctrinam sanam exprimeret : undè Innocentius X qui Propositiones Jansenii Confixit , 10 Martii 1653. in Congregatione coram se habitâ aperi declaravit , se nolle ut ullum omnino Præjudicium Creetur Doctrinæ SS. Augustini , & Thomæ , qui sunt gratiæ per se efficacis & Professores , & propugnatores acerrimi. At ecce Propositio loquitur indefinite , & Generaliter de quacumque interiori Christi gratia , & illi non resisti decernit , atque hinc jure merito ut hæretica condemnatur.

Porrò quod Jansenius tradat interiori gratia numquam resisti , patet ex eō , quod ubique in suo Augustino afferat omnem Christi gratiam esse efficacem , si autem omnis Christi gratia sit efficax , ergo nulli resistitur ; efficaci enim gratiæ numquam resistitur. Dogma vero illud , omnem Christi gratiam esse efficacem , Jansenio Capitale est , ita ut unicè in illius rei assertionem incubuisse videatur.

Ex locis innumeris tantum aliqua depromamus. Primus locus habetur lib. 3. de gratia Salv. cap.

¶ ubi sic fatur. Hinc ulterius docet Augustinus, nullam Christi gratiam effectu operis, ad quom efficiendum voluntari datur, ullâ voluntatis per- vicaciâ frustrari. Et lib. 2. de Gratiâ Salv. cap. 24. in Princípio: naturam Gratiae medicinalis seu Christi describens, prout contrâ Gratiam Adami, seu integræ sanitatis distinguitur, sic de eâ loquitur. Simul ac pulsat fores, rumpit ostia, repugnatemque domat voluntatem, tollit omnem resisten- tiam, rapie eam secum & ex invitâ volentem ineffabili suavitate, ac potestate facit.

Libro etiam 2. de gratiâ Salv. cap. 32. versù s finem mentem suam Jansenius breviter, & succin- ctè exponit. Nulla gratiâ actualis ab Augustino pro illa verâ Christi gratiâ agnoscitur, quam tan- quam medicus infirma voluntati attulit, nisi qua agit, & peragit effectum: OMNIS ALIA, QUALIS- CUMQUE FUERIT, AB IPSO AD LEGEM, DOCTR- NAMQUE REI EGATUR.

Denique libri 2. de Gratiâ Salv. caput 27. hunc titulum (ut statim ad propositionem 1. dictum est) Präfixum habet; quomodo nulla Christi Gratia effec- tu careat: ergo omnis Christi gratia est efficax, ergo Nulla est gratia, cui unquam resistatur. Repellit proindè Jansenius omnem Gratiam sufficientem.

Ne quis verd existimet rejici à Jansenio Gra- tiā tantum Molinisticè, non Thomisticè sufficien- tem, contrarium ex ipso authore manifestum est: apertissimè enim declarat lib. 3. de Gratiâ Salv. cap. 1 ante medium gratiam in sensu Thomistarum sufficientem non esse gratiam Christi. Si gratia suffi- ciens sic accipiatur, inquit, ut sufficiens dicatur, sicut a quibusdam (id est Thomistis) dicitur, quod homo dicatur posse operari, quamvis aliud adhuc necessarium sit, ut de facto operetur, talem sufficientem fortasse non difficulter S. Augustinus admitteret, quamvis illam esse VERAM CHRISTI GRATIAM, de qua quæstio est, PERNEGARET.

Sed ut omnis tollator ambiguitas, quamvis suprà quid sit gratia sufficiens, insinuatum sit, eam modò accuratus perlustremus. Non-

Nonnulli per gratiam sufficientem eam intelli. *Gratia* gunt, præter quam nihil aliud ex parte Dei Molinisti necessarium ad hoc, ut homo credat, diligit, cè sufficiens vel benè operetur, & hæc vocatur gratia *Molinista*. *sufficiens.*

Alii sufficientem gratiam appellant illam, quæ *Gratia* esti se solâ non sufficiat ad actualiter credendum *Thomistum* diligendum, operandum; sufficit tamen, ut per sticè sufficiens eam redatur homo potens credere, diligere, & ciens. operari; ita ut præter eam, aliquid quidem aliud sit necessarium ad actualiter credendum, diligendum, vel benè agendum, scilicet gratia efficax, quæ tribuit actualiter operari; nihil tamen requiriatur ad posse operari. Talis gratia dicitur *Thomistum*. *sticè sufficiens.*

Explicantur hæc ulterius: Gratia sufficiens est divina quædam motio, sive quoddam Dei auxilium, quô homo ita robatur, ut illud reddat voluntatem proximè, & expeditè, plenè, & ultimatè potentem ad actum salutarem in linea potentiae, seu ex parte *actus primi*, ita ut ex parte Dei, aut gratiæ ad plenum posse nihil desit, nec plus requiratur: Numquam tamen homo actum illum in actu secundo producit, nisi accelerit gratia efficax, per quam illud posse sufficientis gratiæ applicetur, & ad actum secundum reducatur. Unde gratia efficax est ea divina motio, seu illud Dei auxilium, quod hominem in linea potentiae sufficienter instructum actualiter applicat operi.

Quomodo igitur, inquires, gratia, quæ dicitur *Objectum*. sufficiens, ita vocari potest, cum illud dicatur sufficiens, præter quod nihil aliud est necessarium? & ecce, præter gratiam, quæ vocatur sufficiens, aliquid aliud est necessarium ad operandum, scilicet gratia efficax: Itaque hæc gratia non re, sed nomine tantum est sufficiens.

Rectè nihilominus, verè, & reipsa gratia illa *Responsum*. quæ dat solum posse, licet ad actualēm operationem requiratur gratia efficax: appellatur gratia sufficiens. In genere enim principii solum dantis posse

posse operari non requiritur *Præter* eam, ullum aliud principium quod irribuat *posse* operari; quamvis aliud sit necessarium, ut illud *posse* reducatur ad actum, seu quamvis necesse sit, ut is, qui per gratiam sufficientem effectus est potens in *actu primo*, actualliter, seu in *actu secundo* operetur per *gratiam efficacem*. Exemplum esto in potentia visiva benè instruta. Illa est sufficiens ad videndum in ratione *actus primus*, sive, ut qui illa prædictus est, dicatur posse videre; in isto enim genere non requiritur alia potentia, per quam ipse constituantur potens ad videndum: attamen ut ista potentia reducatur ad *actum secundum*, hoc est, ut actu videat, *præter* eam aliud quidpiam necessarium est, nempe applicatio & motio potentiae.

Gratia hæc *Thomisticè* sufficiens jam descripta non solùm reddi: hominem plenè, & expeditè potentem ad credendum, diligendum, operandum: sunt ejus & alia, quæ sibi vendicat, munera: Coniunctos scilicet semper habet aliquos actus, veluti illuminationem intellectus ad considerandum ea, quæ annuntiantur, vel proponuntur, & excitacionem voluntatis ad concipiendum aliquod emendandæ vitæ desiderium, piam affectionem, aliasve ad salutem dispositiones. Si enim Deus per interiorem motionem moveat, ac illuminet intellectum, & voluntatem excite; omnino consequens est, quod intellectus moveatur & illuminetur; quodque voluntas excitetur: & sic eadem gratia quæ ad credendum, vel diligendum est tantum sufficiens, est tamē efficax respectu actuum jam enumeratorum: efficax, inquam, respectu actuum quos producit, sufficiens verò respectu ulterioris, seu perfectioris operationis, quam licet non producat, eam tamē producere complete, & proximè est potens.

Janienius quidem admittere videtur gratiam *Thomisticè* sufficientem quantum ad primum, videlicet in quantum est efficax alicujus actus; verum in quantum illa gratia est sufficiens, seu proximè & complete potens inducere effectum ulterio-

rem, ut Thomistæ docent, eam Jansenius omnino averatur, ac disertè ait, illam in isto sensu gradiam Christi non esse. Semper enim in eo fibi constat Jansenius, non aliam esse agnosendam Christi gradiam, quam illam, quæ agit, & peragit effectum suum, id est, quæ posse, & agere actualiter operatur: omnem aliam gratiam, qualiscumque ea fuerit, ad gratiam Pelagianam, ad legem scilicet, & doctrinam alegat. Liquet igitur ad oculum, hujus propositionis radicem doctrinam hanc esse erroneam: *Omnis Christi gratia est efficax.*

Sanè non omnis est efficax; sed sicut (aliis tantisper depositis rationibus) in natura distinguimus esse, posse & operari, ita & in ordine supernali gratiam ponimus quæ dat esse, nempe sanctificantem, quæ dat posse, nempe sufficientem, quæ dat agere, nempe efficacem.

Porro gratiam sufficientem admittendam probant Scripturæ sacræ oracula, quotquot gratiam in vacuum recipi, homines gratia Dei deesse, Spiritum Sancto resistere, Spiritum Sanctum extingueretur testantur. Soli enim gratiæ sufficienti resistitur, sola hæc suo frustratur effectu. Primus locus habetur 2. ad Corinth. 5. Alter ad Hebræos 12: tertius Actorum 7: Ultimus ad Thessalonicenses 5.

Hanc quoque magnus tuerit Augustinus Sanè ut nihil dicam de famoso adjutorio quò & sine quo seu possibilis, cor eorum (peccatorum) congelascit, inquit, adversus Deum, & fit DURUM ADVERSUS IMBREM GRATIÆ SUÆ, NE FRUCTUM FERAT In Psalm. 124.

Sed & libro 50 Homiliarum Homilia 12. Sic discurrit Præsul Hippomensis. Cum per Dei adjutorium in potestate tuâ sit, utrum consentias diabolo; quare non magis Deo, quam ipsi obtemperare deliberas? possuntne hæc verba ad illum dirigi, qui gratiâ ad fistendos dæmonis impetus sufficiente careat? in potestate tuâ est Deo obtemperare: Ecce gratiam sufficientem ad effectum illum obtinendum;

dum : & tamen non obtemperas : ecce Gratiam illam , quæ effectu suo frustratur : Non frustra. retur autem effectu , nisi tua perversa obstat voluntas. Hæc Gratia uti renuit , & peccare mavult. Sed de Augustino latius infra ad Propositiones Quesnelliæ. Audiatur Angelicus i. p. q. 62. art. 3. ad 2. aliquis habens gratiam potest eâ NON UTI , ET PECCARE. Si homo gratia uteretur si media , quæ gratia inspirabat , V. G. orationem , & alia opportuna adhiberet remedia , Deus ei Gratiam largiretur efficacem , quâ principalem effectum obtineret : Quod modò effectus ille non sequatur ; hoc voluntariæ hominis resistentiæ , renfui , repugnantia tribuendum est. Aliquis dicitur extinguere Spiritum Sanctum , seu gratiam privare effectu , cum aliquis bonus motus in ipso surgit , & IPSE IMPEDIT act. 7. vos SEMPER SPIRITU SANCTO RESISTITIS. Lect. 2. in cap 1. prioris ad Thessal.

An potuit Aquinas hanc secundam directius prædebellare Propositionem ? sed de Angelico etiam fuisus ad Quesnelliæ.

Quis igitur & hic non videat Thomistas totò cœlō differre à Jansenistis ?

Porrò absit à nobis , ut gratiam Molinisticè sufficientem , quam nonnulli per damnationem Jansenii Canonizatam volunt , admitamus. Per gratiam Thomisticè sufficientem & secernimur evidenter à Jansenio , inquit Steyaertius , & Melius omnis difficultas circa has Propositiones explicatur.

PROPOSITIONI SECUNDÆ AFFINIS EST QUARTA : Quare hanc cum ista , dilata tanti per teria , connectimus , est autem talis.

Proposi- Semi-pelagiani admittebant prævenientis gratia
tio 4. affi interioris necessitatem ad singulos actus , etiam ad
mis propo iniurum fidem , & in hoc erant Hæretici , quod
sitioni vellent eam gratiam talem esse , cui posset humana
secunda. voluntas resistere , vel obtemperare.

CENSURA PONTIFICIA.

Falsam & Hæreticam Declaramus , &
uti talem Damnamus.

Propositionem hanc Bimembrem tradit Janse-
nius libro 8. de Hæresi Pelagiana cap. 5. Itaque
Massiliensem opinionibus, & Augustini Doctrinâ
quam diligentissimè ponderatis, certum esse, &
indubitatum esse debere sentio; quod Massilienses
præter prædicationem, atque naturam, veram
etiam, atque internam, & actualem gratiam ad
ipsum etiam fidem necessariam esse fateantur. En-
primam partem.

Et infra in eodem capite: in eo ergo propriè
Massiliensem error situs est, quod aliquid primævæ
libertatis reliquum putant, quô interioris gratia
esus, vel abusus relictus esset in uniuscujusque ar-
bitrio, & potestate. En secundam.

Hanc prius attingamus.

Statim vidimus, quod sufficienti gratiæ non so-
lùm possit resisti, sed lèpe etiam actu resistatur:
Gratiæ efficaci (circa quam pars hæc veriari vide-
tur) numquam quidem actu resistitur, cum inde-
clinabiliter, & insuperabiliter voluntatem ad agen-
dum determinet, ei tamen potest resisti. Deus,
inquit Angelicus quodl. I. a. I. ad I. Mover
omnia secundum modum eorum, & ideo divina
motio à quibusdam participatur cum necessitate,
à natura rationali cum libertate, propter hoc quod
virtus rationalis se habet ad opposita. ideo sic Deus
moveret mentem humanam ad bonum (id non fit
nisi per gratiam) QUOD POSSIT HUIC MOTIONI
RESISTERE. Quid expressius hac in materia dici
potest? Deus per gratiam suam moveret hominem
ad bonum: & tamen huic motioni potest resistere.

In hoc igitur non fuerint Semi-pelagiani Hære-
tici, quod voluerint eam gratiam talēm esse, cui
posset humana voluntas resistere, vel obtemperare:
è contra hæreticum est, afferete hominem non
posse tali gratiæ resistere vel obtemperare.

Nihil ad hanc partem dicendum superest, nisi
ut paucis ostendatur, nihil hic etiam Thomistas
cum Jansenistis habere commercii,

Thomistæ constanter docent efficaci gratiæ posse resisti *in sensu*, ut loquuntur, *diviso*, etiam sub ipsâ gratiâ, seu *retentâ efficacis gratiæ motione*, Jansenistæ verò passim afferunt efficaci quidem gratiæ posse resisti, sed *excussâ, non retentâ efficacis gratiæ motione*, unde sub ipsâ gratiâ negant hominem habere potentiam ad oppositum.

Quod porrò me hac in opinione confinat, est, quod Celeber ille *Fromondus* sub nomine *Vincentii Lenis Jansenii* propugnator expressissimè enuntiet in epist. ad Petav pag. 22: prædeterminatum ad amorem posse non amare *prædeterminationem scilicet excussâ*. Ita refert noster *Sebille*, (qui de Jansenio insigniter triumphavit,) lib. 3. cap. 1. sect. 4.

Prima pars est quæstio facti, & merè historica, quæ sic verè se habet.

Existimabant Semi-pelagiani, naturam sibi ad credendum sufficere; eaque fide ex viribus naturæ habitâ, posse sanitatem in Adamo perditam recuperari; & hominem ulteriora gratiarum auxilia ad benè sanctèque vivendum non tantum postulare, sed quod magis est, eadem illa auxilia primâ istâ seu initiali fide posse promereri: adeò *ut fides aucta merces esset fidei cœbra* (sic loquebantur illius temporis Patres) *& gratia divina meritis nostris donaretur.*

Hæc res tam extrà controversiam fuit, ut nemo dubitaverit forsitan, quin in eo potissimum Semi-pelagianorum error consisteret: quoisque eam Irenium Antistes non tantum in dubium traheret: sed disertè etiam affereret, *Semi-pelagianos prævenientis gratiæ interioris necessitatem ad singulos actus, etiam ad initium fidei admisisse.*

Quod mox ut innotuit, Apostolica Sedes confixit, & falsum pronuntiavit, duce nimis magno, quem continuò Jansenius magistrum incamat, *Augustino*. Ille enim in Libro de prædestinatione Sanctorum, quem ad Semi-pelagianos in viam reducendos elucubravit, capite secundo scribit, in eō ipsorum errorem situm esse, quod vellent,

vellet, ex nobis quidem nos habere ipsam fidem, sed incrementum ejus ex Deo; tamquam fides non ab ipso donetur nobis, sed ab ipso tantum augeatur in nobis, eō merito, quo capit à nobis. Si, juxta Augustinum, Semi pelagianorum error in eo situs esset, quod vel. lent, NOS EX NOBIS HABERE FIDEM, sed ejus incre- mentum à Deo: Quomodo igitur ad initium fidei interioris gratiae necessitatem admittere potuerunt?

De Libertate.

PROPOSITIO DAMN. UNICA.

Admerendum & demerendum in statu natura
lapsa non requiritur in homine libertas à ne. **Propos-**
cessitate, sed sufficit liberias à coactione. **tio tertia**

CENSURA PONTIFICIA.

Hareticam declaramus, & uti talem damnamus.

Doctrina Propositionis extat in Jansenio passim libro 6. 7. & 8. de gratia Salv. lib. 8. Cap. 19. docet, quod nulla necessitas actibus voluntatis liberis formanda sit, sed sola vis, coactio, & necessitas violentiae. lib. 6. cap. 6. dicit, quod sola necessitas coactionis adimat libertatem, non necessitas simplex. Quod verò Jansenius loquatur de libertate ad merendum & demerendum, ita ut sentiat, quod sola necessitas coactionis adimat libertatem in ordine ad meritum, & demeritum, non necessitas simplex, patet ex lib. 6. de gratia Salvatoris cap. 24. ubi dicit S. Thomam docere opus esse Laude, vel virtutem dignum, meritorium, vel demeritorium, ex hoc, quod est voluntarium spontaneum, non coactum. Statim Angelicum Janienio non favere, sed retrahari demonstrabitur.

Propositioni damnatae suprà Bajus prolusit titulô de libertate propositione tertiiâ, quæ est hæc. Homo peccat etiam damnabiliter in eo, quod necessario facit.

Sed & alertio Jansenii prædamnata est jam dudum à SS. Patribus, qui passim docent sublatâ libertate à necessitate, seu indifferentiæ, actus nostros nec præmiô, nec poenâ, nec laude,

nec vituperiō dignos esse : ita Hieronymus lib. 2. contra Jovinianum , ubi sic ait : *Liberi arbitrii nos condidit Deus , NEC AD VIRTUTES , NEC AD VITIA NECESSITATE IAHIMUR , ALIOQUIN UBI NECESSITAS EST , NEC DAMNATIO , NEC CORONA EST.* Quod dictum refert Augustinus de naturā & gratia cap. 5. Illudque approbat ut verissimum , certissimum , atque notissimum , & in lib. de duabus animabus cap. 22 ait , quod ista cantant & in montibus pastores , & in Theatris Poëta , & indocti in circulis , & docti in Bibliothecis , & Magistris in Scholis , & Antistites in Locis Sacris , & in orbe terrarum genus humanum.

Idem docet D. THOMAS q. 6. de malo ante quatuor sēcula hanc tertiam clarissimè , & direc̄tissimè proscribens. Non videtur , inquit , esse MERITORIUM , VEL DEMERITORIUM , QUOD ALIQUIS SIC EX NECESSITATE AGIT , QUOD VITARE NON POSSIT. In 2 etiam sent. dist. 24 q. 3. art. 3. Ibi , ait , incipit genus moris , ubi primo dominum voluntatis invenitur : sed dominium voluntatis est per libertatem indifferentiæ , per quam in ejus potestate est agere , vel non agere , aut agere hoc vel illud , ut docet idem S. Doctor i. p. q. 82. art. 1. ad 3. ubi dicit , quod sumus domini nostrorum actuum , secundum quod possumus hoc , vel illud eligere : libertas igitur indifferentiæ est fundamentum moralitatis , proindeque meriti & demeriti humanorum actuum.

Quis non statim hic exclamet Thomistas esse ab hac damnata remotissimos ?

De morte Christi pro omnibus.

PROPOSITIO DAMN. UNICA.

Proposi- Semipelagianum est dicere , Christum pro omni-
zio quin- bus omnino hominibus mortuum esse , aut san-
ta. guinem fudisse.

CEN-

CENSURA PONTIFICIA.

Falsam, temerariam, scandalosam, & intellec-
tualē. Etiam eō sensū, ut Christus pro salute dumtaxat
prædestinatōrum mortuus sit: impiam, blasphemam,
contumeliosam, divina pietati derogantem, & her-
eticam declaramus, & uti talem damnamus.

Prima Propositionis pars colligitur ex libro 3.
de gratiā Salv. cap. 21. Nec enim, inquit Jansenius,
juxta doctrinam Antiquorum, pro omnibus
omnino Christus passus, aut mortuus est, aut pro
omnibus omnino tam generaliter sanguinem fudit,
cum hoc potius tanquam errorem a fide Catholicā
aborrentem doceant esse respuendum. Postea sen-
tentiam illam vocat Machinam a Semi-pelagianis
introductam.

Secundam partem, quā Christus pro salute dum-
taxat prædestinatōrum dicitur mortuus, habet eo-
dem capite Jansenius. Nullō modō, ait, Principiis
ejus (Augustini) Consentaneum est, ut Christus
Dominus vel pro infidelium in infidelitate morsen-
tium, vel pro iusterum non perseverantium aeternā
salute mortuus esse, sanguinem fudisse, semetipsum
redemptionem dedisse, Patrem orasse censeatur....
sed si quid pro illis rogavit Patrem, pro Tempor-
alibus quibusdam justitia effectibus rogavit, &
pro iisdem obtinendis obtulit pretium, fuitque san-
guinem suum: quin imo juxta sanctissimum Doc-
torem, non magis, inquit, Patrem pro aeternā li-
beratione ipsorum, quam pro diaboli deprecatus fuit.

Opposita huic errori doctrina scilicet Christum
Dominum non pro solorum prædestinatōrum, sed
pro aliorum etiam omnino omnium aeternā salute
mortuum esse, & sanguinem fuisse, constat aperte
ex Scripturis, Traditione Ecclesiae, Patribus, præter-
tim præclarissimis Ecclesiae Doctoribus SS. Augu-
stino, & Thoma.

Dicitur ad Rom. 5. Christus PRO IMPIIS MOR-
TUS EST. Et ad Hebræos 2: videmus Iesum prop-
ter passionem mortis, gloriam, & honore coronatum,

ut gratia Dei PRO OMNIBUS gustaret mortem. Deinde Joannes epist. I. cap. 2. Sed & si quis, inquit, peccaverit, advocatum habemus apud Patrem Jesum Christum justum : & ipse est propitiatio pro peccatis nostris : Non pro nostris autem tantum, sed etiam PRO TOTIUS MUNDI. Suffragatur etiam communis fidelium sententiae locus præstantissimus Apostoli 2. ad Corinth. 5. Si unus pro omnibus mortuus est, ergo omnes mortui sunt, & PRO OMNIBUS MORTUUS EST CHRISTUS. Quod loco probat Apostolus, quod omnes homines mortui sunt in Adamo ex eo, quod Christus pro omnibus mortuus est : sed omnes omnino distributivè mortui sunt in Adamo, (Beatam Virginem hic ne vel per umbram tangimus) igitur & Christus mortuus est pro omnibus, & singulis hominibus distributivè, & non solum pro generibus singulorum, ut interpretatur Jansenius. De hoc loco mox iterum.

Illiud fidei dogma proficitur Ecclesia in symbolo Constantinopolitano hisce verbis: *Qui propter nos homines, propter nostram salutem descendit de Cælis.... Crucifixus, Passus &c. non ait, propter nos fideles, vel propter Prædestinatos, sed PROPTER NOS HOMINES*, ut significet Christum ad singulos prorsus homines redimendos passum esse.

Ad tribunal modò Augustini, ad quod unicè appellat Jansenius, explicatò vultu, & justitiam causæ præ se ferente accedamus. Enarratione in Psalmum 95. illum versum explicans: *Judicabit orbem terrarum in aequitate: non partem, ait, quia non partem emit, totum judicare habet, quia PRO TOTO PRETIUM DEDIT.* Si pro toto orbe terrarum, si pro omnibus, quos judicaturus est, pretium Christus dedit, profectò non pro salute dumtaxat Prædestinatorum, sed pro omnibus omnino, & singulis hominibus mortuus est.

Et ne dicatur, à Christo illud pretium pro toto orbe terrarum, pro omnibus Gentibus oblatum fuisse,

qua-

Quatenus in toto orbe terrarum, seu in omnibus gentibus electi sunt, pro quibus mortuus est; ne, inquam, id dicatur, audi Augustinum lib. 6. contra Julianum cap. 4. afferentem Christum pro illis omnibus mortuum esse, qui peccato originali obstricti sunt. Expendens namque illud Apostoli Statim hic insinuatum: *Christus pro omnibus mortuus est, ergo omnes mortui sunt*, sic discurrit: ex hoc probavit (Apostolus) omnes mortuos esse, quia pro omnibus mortuis mortuus est unus: impingo, inculco, infercio recusanti.. unus pro omnibus mortuus est: ergo omnes mortui sunt. Vide quia consequens esse voluit, ut INTELLIGANTUR OMNES MORTUI, SI PRO OMNIBUS MORTUUS EST: Sed omnes omnino, & singuli (superius dicta juvat repetere) in Adamo sunt mortui; ergo & Christus mortuus est pro omnibus omnino, & singulis planè hominibus.

Sed age, videamus quā Doctorum Aquila, ut demonstret Christum pro omnibus prorsus hominibus mortem obiisse, istos in classes singulas dividet, & pro singulis illis eum mortuum esse affirmet.

Primò mortuus est Christus pro aeternâ salute omnium Credentium; ut liquet ex lib. de Catech. rudibus cap. 26, *Deus misit unigenitum suum. ut in Jesum Christum, deletis omnibus peccatis praeteritis, CREDENTES omnes in vitam eternam ingrederentur.*

Nec ipsum Judam à Fidelium redēptione exceptit. Nec agnōvit p̄t̄mūm Judas (in Psal. 68.) QUO IPSE A DOMINO REDEMP̄TUS ERAT.

Deinde Salvator est parvulorum sine baptismo morientium. Lib. 1. operis imperfecti num. 30. *Prædicti Prædicatores sic prædicatis Jesum, ut eum negetis parvularum esse Jesum. Unde namque hoc Nomen acceperit, in Evangelio legite, ET NOLITE SALVATOREM NON SALVIS PARVULIS INVIDERE.*

Nec ipsos suos tortores , & crucifixores ab hac redempcio ne exemit. Lib. 2. de Symbolo ad Catechumenos capite 8. sic inducit Christum ad illos loquentem : *videte vulnera , quae inflixistiis , agnoscite ad iatus , quod pupugistiis , QUONIAM ET PER VOS . ET PROPTER VOS APERTUM EST , nec tamen intrare voluistiis.* Hoc & docet in Psal. 58 hisce verbis. Ille (Christus) sic voluit mori , ut sanguine suo EFFUSORES EJUSDEM SANGUINIS REDIMERET.

Tandem Redemptor est omnium. Epist. 157. morte Christi non unius , aut aliquarum , sed universa anima , Propagatione contractum mortis Cri-rographum rumpitur : & Sermone 344. alias 31. editis à Sirmondo. Habuit Christus Sanguinem , inquit , unde nos redimeret ; Et ad hoc accepit Sanguinem , ut esset , quem pro nobis redimendis effunderet. *Sanguis Domini Dei tui , si vis , datus est pro te : si nolueris , non est datus pro te.* Fortè enim dicas , habuit Sanguinem Deum meus , quō me redimeret : sed jam cum passus sit , totum dedit : quid illi remansit , quod det Et pro me hoc est magnum , quia semel dedit , ET PRO OMNIBUS DEDIT : Sanguis Christi volenti est salus , nolenti supplicium. An clariora , vel luculentiora desiderari queant Testimonia ad confirmandum Fidei dogma de morte Christi pro omnibus prorsus , & singulis hominibus etiam reprobis ? frustra igitur Jansenius ad Augustinum Provocat , à quo tot modis , & tam aperte hæc divinæ pietati derogans Propositio proscripta est.

Magistri cui Premit vestigia S. Prosper in Responso ad objectiones Vincentianas : *Dominus noster Jesus Christus liber a mortis debito , Et solus absque peccato , pro peccatoribus , Et debitoribus mortis est mortuus. Quod ergo ad magnitudinem , Et potentiam pretii , Et quod ad unam pertinet causam Generis humani , sanguis Christi REDEMPTIONE EST TOTIUS MUNDI.*

Utrique Patri magnus adstipulatur Aquinas lect. 2. in cap. 2. Prioris epist. ad Timoth. Christus , inquit ,

inquit, est propitiatio pro peccatis nostris, pro ali-
quibus (electi nimirum) efficaciter, sed pro omni-
bus sufficienter; quia pretium Sanguinis ejus est suffi-
cientis AD SALUTEM OMNIUM.

Imò, ait Jansenius, pretium Sanguinis ejus est Objec-
tus sufficiens ad salutem omnium: quia scilicet mors, &
passio Christi propter personæ dignitatem est in-
finiti valoris: atque ideo omnibus omnino salvani-
dis sufficientissima: Cæterum pretium sanguinis
ejus non est sufficiens also sensu includente obla-
tionem mortis pro omnibus omnino hominibus.
Non enim, inquir, pro redemptione omnium, &
singulorum Christus passionem suam Patri suo ob-
tulit: ac idcirco, ob defectum nempe taliis oblatio-
nis, non magis pro reproborum, quam pro sa-
lute diaboli sanguinem suum fudit.

Sed illud retellit S. Doctor in caput 3. prioris Resp.
epistolæ ad Corinthios lect. 2. Ibi enim exponens
illud Apostoli: Peribit infirmus in tua scientia fra-
ter, pro quo Christus mortuus est? Sic habet: Pe-
ribit infirmus in tua scientia frater, PROPTER
QUEM SALVANDUM CHRISTUS MORTUUS EST?
Facessat igitur illud Janseii, pretium sanguinis
ejus est sufficiens ad salutem omnium quantum
est de se, etiam dæmonum propter infinitum pre-
zis valorem, non autem ratione oblationis, cum
mortem pro omnibus non obtulerit: facessat, in-
quam, illud: Ecce ad salvandum etiam pereuntem
Christus mortuus est. Nullus igitur omnino homi-
num ab oblatione pretiosi ejus sanguinis excipitur.
Excipiuntur ab illa dæmones. Non enim istorum, sed
solum hominis causam Christus misericorditer sus-
cepit: non est istis præparatum illud immortalitatis
poculum, quod hominibus bibitum medetur: quod
si multis non mediatur; id ideo est, quia impii,
ac reprobi salutis poculum bibere, & universalem
medicinam omnibus à Cœlesti Medico præparatam,
& oblatam pervicaci voluntate sumere renunt.
Illa pervicacia, resistentia, renisus obices sunt, &
impedimenta, quæ SS. Patres dicunt ab homine
poni,

poni, *Deo interim quod suum est implente*, ut ait D. Thomas ex Chrysostomo in cap. 2. ad Hebr. lect. 3. & 3. dist. 20. q. 1. art. 1. q. 1. ad 2. quod omnes homines non reparantur, non est, inquit Angelicus, ex insufficientia medicinae reparantis, sed ex defectu eorum, qui reparationis effectum in seipsis impediunt.

Object.

At ait Jansenius: dicitur Joan. 17. *Non pro mundo rogo, sed pro his, quos dedisti mihi.* Non igitur Christus pro toto mundo, seu pro omnibus mortem obiulit.

Resp.

Verum audiatur Angelicus hunc locum explanans. Respondeo dicendum, inquit, quod Christus quantum est de se, PRO OMNIBUS ORAVIT quia oratio sua, quantum est de se, efficax est, UT VALEAT TOTI MUNDO, sed tamen non in omnibus sortitur effectum, nisi in sanctis, & electis Dei, ET HOC PROPTER IMPEDIMENTA MUNDANORUM. Ecce Christus pro omnibus oravit, proindeque pro omnibus mortem obtulit, quod non omnes salvantur, hoc est propter impedimenta mundanorum, seu peccatorum.

Object.

Nec obest illud Matth. 26. qui pro multis effundetur &c. quod toties allegatum est.

Resp.

Sic enim hoc explicat S. Doctor. Et pro multis, inquit, effundetur, & PRO OMNIBUS, quia si consideretur sufficientia, ipse est propitiatio pro peccatis nostris, & non pro nostris tantum SED ETIAM TOTIUS MUNDI, at si consideremus effectum, non habet effectum nisi in his, qui salvantur, ET HOC EX CULPA HOMINUM. Quid nervosius? quid efficacius dici potest?

Ex predictis convellitur etiam altera objectio Jansenii dicentis Dominum Jesum Christum pro reprobis omnibus in tantum dumtaxat mortuum esse, in quantum temporalibus quibusdam divina gratia effectibus exornandi sunt. Etenim peribit infirmus in tua scientia frater, propter quem salvandum Christus mortuus est? Si mortuus sit, ut reprobis temporales tantum aliquos divinæ gratiæ effectus

effectus consequeretur, profecto non ad eum salvandum mortuus est.

Audiatur etiam eximus Steyaertius ad hanc propositionem paginâ mihi 213. Rogatum ego illum (Jansenium) velim, quam congrua foret ista Apostolici dicti paraphrasis. Peribit infirmus in tuâ scientiâ frater, propter quem pro temporâ libus quibusdam justitia effectibus Christus mortuus est? quam scilicet efficax eô sensu fuisse Apóstoli monitum! Vide ne illum damnes, pro quo Christus quidem, ne damnetur, mortuus non est, sed tamen mortuus est pro temporali quâdam ejus justitiâ. Hec certè qualia sint, nemo non videt. Quantò ergo planiùs & naturaliùs sic Corinthium, admonuit Paulus. Cave, ne actione tuâ, bona, quidem ob sententiam tuam, sed imprudenti ob ignorantiam aliorum; cave, inquam, ne illâ pertire facias fratrem tuum, pro quo, ne periret, mortuus est Christus, atque ita fructum mortis, ejus tu in fratre tuo impediás.

Cæterum cæcus hì omnino sit, oportet, qui & in hac Propositione non videat immensum Thomistis inter, & Jansenistas discrimen.

Sed ut ex omnium animis radicibus evellatur Thomi Jansenismi, si quæ supersit de Thomistis opinio, fas nihil prodeant in medium præcipui, & illustriores Societatis omniò Jesu scriptores. Quam luculentum illi pro habere Thomistis præbent testimonium!

Emicat in primis P. Stephanus Deschamps nomen Jansenistis maximè invisum, utpote qui pri- fansi- mus ferè adversus illos in arenam descendens stis, often eos acerimè præ cæteris, & validissimè oppugna dunt præ- cap. 9. pro Dominicanis hæc scribit. Gloriantur Societatis licet Janseniani tot se nuperi dogmatis habere pa. Theologos tronos, quorū physica prædeterminationis defensores existant, verè tamen mibi videoꝝ esse dicturus, nulos buic doctrina infensores reperiri, quam qui post natam Calvini heresim ex D. Dominici Ordine majoris eruditioꝝ, & ingenii laude flauerunt.

querunt. Adducitque sigillatime eos, & eorum scripta. Et disp. 3. cap 3. quam invidiosè (inquit) novi dogmatis fautores queruntur per Jansenii latus universam S. Dominici familiam peti ! quam importunè jactant eamdem esse utriusque causam ! hoc in circulis aoudimperitos, & mulierculas deblaterant ; hoc in publicis Doctorum concertationibus urgent acerrimè, hoc in libellis, quos tam frequentes edunt in lucem (nec hodie edere desinunt) magnò verborum apparatu , ac pompâ cum omnibus expostulant : at istud tamen falsitatem omnem superat , & ab iiscum stomacho ridetur , quibus utraque opinio nota est , atque perspecta.

Huic se conformat P. Martinonus in Anti-Jansenio pag. 708. ubi hæc habet. Errant Jansenistæ vel ipsis Thomistis judicibus... nulla est ex illis quinque propositionibus ad summum Pontificem missis , ut eas speciali censura notare dignaretur , quare duo illi Ordines (Dominicani , ac Jesuitæ) non damnent , & censurâ dignam judicent : nulla , cùjus oppositum sibi certum esse non profitentur : nulla denique , quam uriusque familia Theologi quotquot de his rebus scripserunt , non graviter insectati sunt.

Et quia nonnulli sinistrè autuinant per condemnationem Jansenii iictam quoque esse gratiam per se efficacem , vide quid scribat P. Annaius strenuus Molinæ propugnator in libro , cui titulus est , Cavilli Jansenianorum pag. 29. , ubi sic loquitur. Id , in quo convenimus (Thomistæ , & Jesuitæ) sancivit Pontifex Innocentius X: id in quo dissidimus , disputationi nostra reliquit. Sed est , inquires , necessaria consequentia à positione illorum principiorum ad negationem gratiæ prædeterminantis : Respondeo , hoc ipsum inter nos disputari , an scilicet necessaria sit illa consequentia . Nobis videtur necessaria , illis non videtur. Utri melius sentiant , nondum definitum est. Vicerint illi , qui suam sententiam melius probaverint , meliusque defendent. Atque hoc est , Pontificem attingere non posse

*luisse controversiam inter nos , & Thomistas dis-
putatam de GRATIA PER SE IPSAM EFFICACI.*

Pergit Annatus Thomistas iucri in libro Romæ edito , cui huic titulum præfixit: *Jansenius a Tho-
misticis gratia per se efficacis defensoribus damnatus*,
quod in toto opere invictè demonstrant.

*Jansenismum etiam quoad omnia Jansenianæ
Doctrinæ capita a Thomisticis depellit tum in opus-
culo , cui titulus est : informatio de quinque propo-
sitionibus ex Jansenii Theologiâ Collectis , tum in
libro , cui titulus : la conduite de l'Eglise , in quo
decem , & octo Thomistarum inter & Jansenistarum
dogmata , assignat discrimina.*

Quantum ab illis dissident *Liberius Gratianus* ,
& *Theodorus Eleutherius* nuper Thomistas ag-
gressi ! pugnat *Liberius* differentiam inter Janse-
nium , & Thomistas in solis verbis distare , non esse
ovum ovo similius ; Doctrinas istas in nullo apice
esse dissimiles.

Quis hic justam iram comprimat ? sed sistamus
calamum. Desinant isti Thomistas traducere , illos-
que non jam obliquè , & per latus (ut nonnulli
factitarunt) sed publicè , & aperto marte petere.
Desinant *gratiam per se efficacem* (de quâ suprà
sapienter , & prudenter *Annatus*) tam dirè pro-
scindere , desinant Scholam tam benè de Ecclesiâ
meritam hæresecos arguere.

E contrâ desinant Jansenistæ familiaribus suis,
aut earumdum partium studio irretitis insurpare ,
Thomistas in eodem cum Jansenio Luto hærere.

Moliti quidem sunt Jansenistæ ad extremas re-
dacti angustias sub Thomæ pallio , tanquam sub
alis latitare , sed eos longè a se repulit omnium
victor , & Prædebellator hæresum. Quod si nonni-
hil ad Thomistarum dogmata velint accedere ;
candidè , & sincerè amplectantur *gratiam sufficien-
tem* , quam tantoperè cum Magistro suo aversan-
tur. Aversio ista patuit in Propositione 6. Alexan-
drinâ : *gratia sufficiens statui nostro non tam utilis
quam pernicioſa est , sic ut præiudicem merito possumus
petere*

petere ; à gratiâ sufficiens libera nos Domine : & hodie instauratur aversio in famosis Propositionibus Patris *Quesnel.* De quibus omnibus infrà ad annum 1690, & 1713.

PROPOSITIONES LAXIORES II DAMNATAE

Ab *Alexandro VII, & Innocentio XI.*

*Anno
1665.*

ANNO 1665. 24. Septembris confixæ sunt ab *Alexandro VII.* Pontifice maximo Propositiones Laxiores 28. illis ut & reliquis secuurus fundamentum Præbuerat effrænis quidvis opinandi *Licentia*, seu fatalis *Probabilismus*. Iste jam ab aliquot annorum decadibus nihil mali cogitantem orbem Catholicum inquinare cœperat, at hic periculi admonitus, primum per Homines privatos, deinde Academias, & Ecclesiarum Prælatos in increbrescentis, & brevè undique inundantis mali extirpationem incubuit.

Itaque anno 1653. 30. Martii, & 26. Aprilis proscriptæ sunt à facultate Theologicâ Lovaniensi ad instantiam Archiepiscopi Mechliniensis assertiones laxiores 17 : & 4 Maii anno 1657. idæ ab eadem facultate ad petitionem Episcopi Gandavensis Propositiones 26. eadem Lue infictæ. Sed morum corruptela acres sibi non destitit accersire Patronos. Ubiquè volitarunt *Apologia Casuistarum* quas, ut grassantem pestem amolirentur, statim ut apparuerunt, Principes Universitates Parisiensis, & Lovaniensis gravissimâ censurâ perstrinxerunt. At dum ubique disceptatur, dum Casuistarum luxuriantur ingenia, dum fervent pectora, & ingens in animas pretioso Jesu Christi Sanguine redemptas strages effunditur, tandem supremo disponente, & miserante Numine, summus Ecclesiæ Moderator Alexander VII. profligavit è Cathedrâ, ad quam res devoluta erat, assertiones 28. sunt autem hæ sequentes. Præmititur illis decretum Pontificis.

S. D. N.